

P.nr.5/2017

**GJYKATA THEMELORE NË FERIZAJ-DEGA NË SHTËRPCË**  
**Departamenti i Përgjithshëm, Divizioni Penal,** gjyqtari individual Adem Shabani, me asistentin Muedin Rexhepi, në lëndën penale kundër të akuzuarit [REDACTED] nga fshati [REDACTED] komuna Kaçanik, i akuzuar sipas aktakuzës të Prokurorisë Themelore në Ferizaj PP/II.nr.477-4/16 të dt.12.01.2017 për veprën penale vjedhje pylli nga neni 358 par.1 të KPRK-së, duke vendosur lidhur me kërkesën e Prokurorisë Themelore në Ferizaj për dhënien e urdhrit ndëshkimore pa mbajtje të shqyrtimit gjyqësor, me dt.23.01.2017 mori këtë:

### A K T G J Y K I M

**PRANOHET** kërkesa e Prokurorisë Themelore në Ferizaj PP/II.nr.477-4/16 të dt.12.01.2017, dhe kjo gjykatë jep këtë:

### URDHËR NDËSHKIMOR

I akuzuari [REDACTED] nga fshati [REDACTED] komuna Kaçanik, i lindur me dt. [REDACTED] në të njëjtin vend, nga i ati [REDACTED] shqiptar, shtetas i Republikës së Kosovës, i gjendjes së mesme ekonomike, mbrohet në liri.

### ËSHTË FAJTORË

Sepse me datën 22.03.2016 rreth ores 17:00 në pyllin shoqërorë të cilin e menaxhon Drejtoria për Zhvillim Ekonomike-Njësia e Pylltarisë në Shtërpcë, në rajonin ekonomiko pyjore Kashtanjev, në vendin e quajtur "Paralelja 65", me qëllim vjedhje ka prerë 6 drunj të llojit ahu, me diametër 28-30 cm, lartësi prej 19m, gjithsejtë në kubaturë prej 2,28 m<sup>3</sup>, vlera e demit të shkaktuar është 348,84 €.

Me të cilën kreu veprën penale vjedhje pyllit nga nen.358 par.1 të KPRK-së.

Andaj gjykata në bazë të nenit 4,7, 17,41,46,73, të KPRK-së si dhe nenit 495 të KPPK-së.

### GJ Y K O N

Të akuzuarin [REDACTED] me dënim me gjobë në shumë prej 200 (dyqindë) €, të cilin dënim është i obliguar ta paguaj në afatin prej 15 ditësh nga dita e plotfuqishmërisë së aktgjykimit.

Në rastë se personi i dënuar nuk dëshiron ose nuk mundë të paguaj gjobën, sipas nenit 46, par.3 të KPRK-së, i njëjtë dënim do t'i shndërrohet në dënim burgu ashtu që për çdo 20 €uro, do ti llogaritet 1(një) ditë burg.

Obligohet i akuzuari që të dëmtuarës [REDACTED] t'ia kompensoj dëmin e shkaktuar në vlerë prej 348,84 Euro, në afat prej 15 ditësh pas plotfuqishmërisë së aktgjykimit.

Gjithashtu obligohet i akuzuari që në emër të paushallit gjyqësor të paguaj shumen prej 20 €, këto në fat prej 15 ditësh pas plotfuqishmërisë së aktgjykimit.

### A r s y e t i m

Prokuroria Themelore në Ferizaj me aktakuzën PP/II.nr.477-4/16 të dt.12.01.2017, ka akuzuar të akuzuarin [REDACTED] nga fshati [REDACTED] komuna Kaçanik, për veprën penale vjedhje pyllit nga nen.358 par.1 të KPRK-së dhe ka ushtruar kërkesë për dhënien e urdhrit ndëshkimor, me arsyetim se ka prova të mjaftueshme dhe të besueshme nga kallximi penal që vërtetojnë kryerjen e kësaj vepre penale nga i akuzuari.

Gjkata gjatë shqyrtimit paraprak të aktakuzës dhe kërkesës për dhënien e urdhërit ndëshkimor gjeti se janë plotësuar kushtet ligjore për aprovin e kërkesës për dhënien e urdhrit ndëshkimor, në vështrim të nenit 495 par 1.2 dhe 3 të KPPK-së.

Gjkata duke i shikuar provat materiale të bashkangjitura në shkresat e lëndës gjegjësishtë shiqimin e fletparaqitjes e Drejtorisë për Zhvillim Ekonomik-Njësia e Pylltarisë Shtërpcë me nr.44/2016 dt.04.04.2016, dhe procesverbalin me numër të njejtë, konstatoj se këto prova janë bindëse dhe të bazuara dhe njëkohësisht vërtetojnë se i akuzuari ka kryer veprën penale për të cilën akuzohet, andaj gjykata të njëtin e shpalli fajtor dhe i shqiptoj dënimin me gjobë si në dispozitiv të këtij aktgjykimi.

Gjkata në mbështetje të nenit 463 par.2 të KPPK-së ka obliguar të akuzuarin që të dëmtuarës Drejtoria për [REDACTED] t'ia kompensoj dëmin e shkaktuar në shumën prej 348,84 Euro, në afat prej 15 ditesh nga dita e plotefuqishmerisë së ketij aktgjykimi.

Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së.

Nga sa u tha më lartë u vendos si në dispozitiv të aktgjykimit.

**GJYKATA THEMELORE NË FERIZAJ- DEGA NË SHTËRPCË**  
DEPARTAMENTI I PËRGJITHSHËM – DIVIZIONI PENAL  
P.nr.5/2017 dt.23.01.2017

Asistenti  
Muedin Rexhepi

Gjyqtari  
Adem Shabani

### UDHËZIM JURIDIK:

Kudër këtij aktgjykimi mundë të ushtrohet kundërshtim në afatin prej 8 (tetë) ditësh, nga dita e pranimit të aktgjykimit, gjyqtarit individual të kësaj gjykate përmes kësaj gjykate. Pas kalimit të afatit për kundërshtim, urdhëri ndëshkimor merrë formën e prerë dhe dënimini i shqiptuar ekzekutohet.